

El Movimiento Nacional por la Diversidad Cultural de México convoca al VI Concurso Nacional de Fotografía

TEMA: RACISMO



TLEN NOTEMACHILTISNEKI

Tikinpaleuiskej ika ixbopinalmej pampa makitakan nikan Mexiko nojki onka Tlachichiujli mekatlakayotl, tlen kijtoua ijkon noteixpankixta ken kuak san mitstlauelitaskej on maseualmej uan oksekan chantii, uan oksekan nosentlalia noso uan tlakeualtekitij pan se ueyikaltekia, pampa intlachalis okse tlamantli noso pampa ualeuaj pan se kalpan kampa tlajtouaj okse tlajtojli, napanextia ka tlen kichiuaj, kenijki nouikaj, ken notlakentiaj, machotilmej, ken chantij, tlajtol uan tlen kineltokaj, niman okseki tlajtlamach.

TLANAUATILMEJ PAN NOTLATLANILISTLI

Uan notlatlaniskej

Ueliskej notlatlaniskej san ka sejse maseual uan tlaixkopintinemij pampa kuelitaj uan nojki yejua notekiyotia, mexikakayotl, uan kinekiskej tepaleuiskej ka kitemachiltiskej on nochtin miyek tlamantli ken nemij nikan mexiko, uan nojki ken kipaleuis tlen temachiltis, tlasojtijli, tlakaitajli uan kenijki tiktajpiyaskej.

Tlaixkopinalmej

- Uan notlatlaniskej, ueliskej kitlaniskej makuijli ixbopinalmej ka itlachalis istak noso kapotsliitik, tlapaltik noso chichikajyeltik.
- On ixbopinalmej uan kinyektlalia noso kimixkuera kin popoloskej pan in notlatlanilistli.
- On ixbopinalmej kipiyaskej tlen kiteititiskej miyek tlamantli uan tlen onka noso ken nemij kampa chantij, kalpamej uan oksekan ualeuaj noso uan kistinemij pan okseki ueyikalpamej.
- Nochi ixbopinalmej tlen notemakaskej kinkixtis akin teuan notlatlanis, uan xikeman noteixmachiltia, uan xikeman onoikuilo ka teuan onotlatlan, uan nojki xikeman onoyoltemakak pampa uelis kikuiskej on ixbopinalmej pan se ueyikaltekia noso se maseual.

Tlaseril ixbopinalmej

- Yejua in ixikopinalmej noseliskej kuak yonoteixmachilti in Amatekitlanotsajli uan nojki tlami pan tonajli lunes majtlaktli uan chikome metstli oktubre xiuitl 2016 pan tlajkoyouan (23:59)
- In ixbopinalmej noseliskej pan in mekatlatlanijuiloyan:
mdcmexico@gmail.com
- Kampa kitlaniskej "tlen kitlaniju" kikuioskej in Tlajtolmej: "VI Concurso Nacional de Fotografía" uan nojki pan ikuiloltlatlanijuilijli kintlaniskej inekilisuan kenin: itokayo uan itkayotajtin, ken notokayoixmati, kanon chantii, ikaltemekanotsal uan itepostlanotsal ika itlapoualnixmati uan nojki imekatlatlanijuiloyan akin notlatlanis.
- Akin notlatlaniskej kualtitlaniskej iuan mekatlatlanijuiloyan inekilisuan tlayejeuatekitilmey:
 - Ixbopinalji noso ixbopinalmej kipiyaskej in amatekitiji *tif* noso *jpg*. itlachalis kipiyas 300 dpi uan ueilis kipiyas 5 MB ka sejse ixbopinalmej (itokayo tlayejeuatekitilmey nojki yeski ken okitalilijkej pan on ixbopinalmej).
 - Se ixbopinalji kampa kipias itokayo, uan okseki nekilismej, ueyikalpan kampa otlakat akin teua motlatlanis, nojki kitlanis iamaixeujle kampa kipia ixbopinal uan toknejnentika. Kitotokas ika amatekitiji *jpg*.
 - Akin teuan notlatlanis noneki makintitlani ixbopinaluan, kuak kin titlanis kamilauak yejua iuaxkuan uan nojki yejua makintitlaniti amo okse kintotokas.

Tlen kitlaniskej

- Kachtopa tlatlanilistli: \$10,000.00 m/n (Dies mil pesos tomin mexikamej), sejse amapoualtlanechikolmej uan nojki tektilkakitlachalistli, amakaxilijli uan tlen titlateixpantilis.
- Okpa tlatlanilistli: \$5,000.00 m/n (Sinko mil pesos tomin mexikamej), sejse amapoualtlanechikolmej uan nojki tektilkakitlachalistli, amakaxilijli uan tlen titlateixpantilis.
- Yexpa tlatlanislistli: Sejse tepostlajkuilolyejeuajli, sejse amapoualtlanechikolmej uan nojki tektilkakitlachalistli, amakaxilijli uan tlen titlateixpantilis.

Kenon kin tlapajpeniskej uan kitaskej akin tetlanis

- On ueytakamej uan kixmatij noso tekipanoua ka ixbopinalmej, yejuamej kintlapajpeniskej uan kachi kualtij niman kitaskej akinon tetlaniskej.
- Kitemakaskej tlasojkamatilistli ixbopinalmej uan tetlanij kenon ijkon kistoskej on ueytakamej uan kixmatij on tekil uan xakaj xitla kimiris noso xikipatlaskej tlen yokijtojek.

Tlamilistlanauatilmej

- Pan amateitilmej noso kintetiskej kanochi maselchantij pan totlalitkakitlachalistli pampa makimitakan ixbopinalmej uan otetlankej nojki okinmakakej tlasojkamatilistli, nochtin tlakamej noso siuamej tlatlankej kitekauliskej mamoteititikan ixbopinalmej ka on tlatekpanaltlakamej noso kaltlatekpanajli, ompa kitlaniskej akinon iuaxka. Akinon tetlaniskej kikuioskej se Amatlatlanijuilijli kampa kitemakaj inyoltekauilis uan kitlaniskej pampa xakaj kimajuas noso kiktlauelitas pampa kinkui uan kintetitia ixbopinalmej.
- Pan tonali sempouajli majtlaktli uan se metstli oktubre xiuitl 2016, moteixmatiliskej tlatlanijuilijli uan otetlankej, pan nochtin tlaixmatilmej uan tlateitilmej noso pan internet ka on kaltlatekpanalmej uan kitekpankej in tektilachijchijtli.
- Nochi maseualmej uan otetlankej tlen kipiyaskej tlakaitakijli ka saniman kinmachistiskej kanon nochiuas kampa notemakaskej tlen okitlankej pan tonajli majtlaktli uan chikome metstli noviembre xiuitl 2016 nochiuas pan tlayejeualekajli pan ueyikalpan mexiko.
- Kin pojpoloskej niman pan in tekichijchijtli ixbopinalmej uan xotetlankej kuak yokintlapajpenijkej uan tetlaniskej.
- Tlatekpanaltlakamej noso kaltlatekpanajli yejuamej kiyektlaliskej noso kistoskej kenon kichiuiliskej tlen xokitlalijkej pan Amatekitlanotsajli uan xueliskej noyektlaliskej.
- Akin kineki teuan notlatlanis pan in tekichijchijtli kistosneki yokinek tekipanos ken kijtouaj tlanauatilej.

¿Kanon notlatlaniti okseki nekilismej?

Kalteyolnonotsajli kampa xikitekauliya noso kipojpolouaj kenon kintlajyouiltiyaj maseualmej uan tlajtouaj okse tlajtojli noso chantij pan kalpajmej tsitsimej kuak yaeuej pan ueyikalpan mexiko.

Kaltekitlajkuiloyan tekpanilyotl Nochimej miyek tlamantli kenon nemij pan Mexiko uan Nolinia pan in Ueyitlaltikpak

Kaltepostlanotsajli: 55 - 12 - 86 - 27

Mekatlatlanijuiloyan: mdcmexico@gmail.com

Lengua: Mexicano / mexicano de Guerrero.